

# مجموعہ ابوالضیا

ماسوا شاہہ سندن دلی تطویرہ چالش  
پر تو حکمت و عرفان ایلہ تنویرہ آتش

فنون و معارفین بحث ایدر • و ہر ماہ عربی ابتدائیلہ اون ہشتادہ نشر اولنور •

[ نسخہ سی ۳ فروش

فی غرہ شوال سنہ ۱۲۹۷

نومرو ۲ ]

۲۳ § الحالۃ ہندہ کمال شوقہ موقع بحثہ قونہ حق سیاسی و با فنی بر مسئلہ وارمیدر ؟

۲۴ § انجمنہ ک قانونندہ نحو و اثباتہ و تعدیل و اصلاحہ محتاج بر فقرہ کوریور میسکر ؟

ملاحظہ

شو ۲۴ سؤال عالم اجتماعینک لازم غیر مفارقی اولان خصوصاتی تمامیلہ جمع ایش اولدیغندن ، تهذیب اخلاق و تعاون شرطہ سسیلہ تأسس ایش بر انجمنہ اس حرکات اولمغه وجوہلہ شایاندر .

### شؤونات مدنیہ

فرانسہ نیک ترقی فنون جمعیتی  
پوسنہ آفرانغه آغستوسک اون  
ایکیسندہ (رمس) شهرندہ اجتماع  
ایشدر . بوجعینک تأسیسی سکر  
سنہ اولوب هر سنہ برر شهرده  
اجتماع معنادیدر .

بناء علیہ سنین سابقده  
(بوردو) و (لیون) و (نانت)  
(لیل) و (هاور) و (قلمون)  
فران (و (مون پلیس) و پارس  
شهرلنده اجتماع ابتدییکی کبی بو کره  
دخی (رمس) ده انعقاد ایشدر .  
رمس شهری یوز بیسک  
نفوس قدر اهالی بی شامل اوله رق ،

مشهور (شانیانیا) شرابنک  
وفرانسہ نیک عظیم معمولاتندن  
اولان منسوجات صوفیه نیک مرکز  
تجارتیدر .  
فرانسہ ترقی فنون جمعیتی  
سکر سنهدن برو خیلی مآثر ترقی  
اراز ایشدر ؛

الیوم اوچ بیک قدر اعضاسی  
بولندیغی حالده سرمایہ سی اوچبور  
بیک فرانکی منجاوزدر . جمعینک  
سنوی موازنه مالیه سی آلتش بیک  
فرانکی راده سندهدر . عدم قدرندن  
طولانی تحریات فیه دن مجبور فراغ  
اولان ارباب تدقیق و معرفتی تشویقاً  
یالکز یکن سنہ ظرفده ایش بیک  
فرانکی امانه اعطا ایشدر . هر سنہ

جمعيت اصحاب هم جانبدن بر چوق  
عطاياي نقديه وارد اولفته در .  
جمعيت صندوق اميني قرائت ابتدايي  
لايحه سنده تجار دن ( موسيو برونه )  
نام ذاتك هر سنده جمعيتك تنسيب  
واختاب ايده چكي اصحاب معارف  
وفسوندن برينه بيك فرائق عطيه  
نقديه و برك اوزره يكرمي درت  
بيك فرائق سرمايه اعطا ابتداييكي  
تبشير ايله مومي اليه علناً بيان  
تشكر ايتشدرد . موسيو ( يوشوفشام )  
اسمده بر بانكر ايله اصحاب قدرتن  
بولنان بعض ذوات مقدما جمعيت  
خيلي اچمور و يرملر ايدى .

ترقي فنون جمعيتي بوسنه كچن  
بيك سكر يوز بتمش سكرده كساد  
اولنان پارس سر كيسي مديري اولوب  
فرانسه اعيانندن بولنان ( موسيو  
قرانس ) ك تحت رياستنده اجتماع  
ايتشدرد .

جمعيتك كاتب عمومي سي ( موسيو  
مرقديه ) ايراد ابتداييكي نطقنده  
جمعيت اعضاسنك وطنپرورلكه  
برابر افكار حریت طرفداري ار -  
باب معلومانندن اولدقلىني و بو

جمعيت داخلنده مختصراً خالصت  
افكار ملتزم واغراض وتغصب  
منفوز اولوب فنونه دائر كافه مسا-  
ئل ومطالعات ايسه افراد جمعيت  
جانبدن فرط ممنونيتله تلق اولنه  
كلديكني وبعض مسائل ومطالعات  
جدى كورنسه بيله ماهيتلى ارباب  
دقت نژدنده مستور قالميه جغدن  
بونلرك دخي رد اولميه رق شايان  
استماع عد ايدليكني بيان ايتدكدن  
صكره « مستقبلي ماضيه تطبيق  
ابتدايكر حالده هيئت بشريه نك  
ترقيات متواليه سنده امنيت ايدر ز .  
بناء عليه فنون شتاك هر هانكي  
شعبه سنده اولور ايسه اولسون  
اولجه « بوراده توقف ايده چكسيكر . »  
ديانلرك سوزيني اصلا قبول ايده -  
ميز . » ديتشدرد .

( رمس ) شهرى دائره بلديه سي  
طرفندن ترقي فنون جمعيتي اعضا -  
سنه بر ضيافت كشيده اولمشدرد .

—

يمور بوللرده رايلىك آلتنه قونيلان  
وظراوه رس تعبير ايديلان آغاچلرك  
برنده قولالناق اوزره بوكره

ايمديكي وباخصوص تيمور قدر  
نقىل اولديغى جهته ايجادمذ كورك  
تيمور بولارنده استعمالى موجب  
اهونيتدر.

\* \* \*

مسدر (اديسون) نامنده برى  
لوندرده بر وقتدنبردر فن مجا-  
نيقده جبريه تعبير اولنان اصول  
اوزره اعمال اولمش قزغانلر  
واسطه سيله بر خيلى تجربه لى اجرا  
ايمشدر؛ تجارب مذ كوره مياننده  
(آليومينوم) معدنك زه لاتين  
حالىده اولان نوعنك بهر پوس  
مربعى اوزرينه سكسان بيك لبره  
تضييق وبرهرك بوندن اول قدر  
سردووزوايابر ماده حاصل اولمشدر  
كه سهولته جامى قطع ايمشدر.

\* \* \*

پارس اطبا سندن دو قنور ژورژ  
لمك وجود انسانه تاثيراتى حقنده  
فن طبيعه شمدى به قدر مجمصول  
اولان بعض كشفيات جديده ده  
بولمشدر.

از جمله انواع مطبوعات لمجه -  
دن حاشلامه دنيلان صورت طبحك  
وجودجه پك مضر اولديغنى وبر

لوندرده مسدر (سيمس) نامنده  
بر ذات بر جام ايجاد ايدهرك اقتضا  
ايدن امتيازى ده استحصا ايمشدر.

مومى اليه بر طريق مخصوص  
ايله جامه فوق الغايه بر صلابت  
ويرمشدر كه (دولا باستى) نامنده  
بر ذاتك مقدا اختراع ايلديكى جام  
كبي بوده قيرلديغى وقت بيك پاره  
اوله رق اطرافه طاغليبو آبجق  
بر ايكي پارچه ده انقسام ايمكده  
بولمشدر.

طراوه رس مقامنده استعمال او-  
لنه جق جاملر ۳ قدم طولنده و درت  
پوس عرضنده و ۶ پوس يعنى يارم  
قدم قالينلقده اولديغى كبي اوزرل-  
ينه اوزاديله جق تيمور چوبوقرك  
برلشمسى ايمچون ايكي ياشنده برده  
يواويى شاملدر.

هر جامك يكديكريته اولان او-  
زاقلغى ۳۰ پوس اولديغى حالده  
بهري بش طونه ثقلته مختل اوله-  
رق، بوندن زباده ثقلت كورديكنده  
قيرلنده ايمش.

جام، آعاج كبي چسور و مديكى  
و تيمور كبي پاسلا نغله صلابتى غائب

آدمك حاشلاغمش ات بيمه سندن ايسه  
هيچ ات اكل ايتماسي دخی خیرلی  
بولنديغنی ادعا ايتمکده و بو ادعاسی  
برلین حذاق اطباسی طرفندن دخی  
استصواب اولمقده ايمش .

حاشلامه اتدن معده به برخسته .  
لك عارض اولديغی و حتی معده  
آغریلرندن بر طاقنده کثرت اوزره  
اكل خومه اسناد سبب ايدیلوب،  
حال بو که مرض کثرتله اتا کلندن  
دکل حاشلامه دن نشأت ایلدیکی  
مومی الیه طرفندن بالادعا اثبات  
اولمشدر .

اولرمزده بديکمز انک همان  
هر نوعی حاشلامه قیلندن اولديغی  
ملاحظه اولنورسه معده جه کثريت  
اوزره دوچار اولديغمز مزمن  
خسته لقلره سبب آخر تحريسته و بناء  
عليه دفعی ایچون صورت طبخ  
لحومی دکشدیرمکدن اوز که دوا  
ترتیبینه احتیاج قلز .

### معاونات فیه

ترلمک حرارت واسطه سیله

وجود حیوانده اولان قانک حاوی  
اولديغی صو تبخر و دریلرک منسا -  
مانندن خروج ایدهرک - داخل بدن  
قدر خارجی صیجاق اولمديغندن -  
صویه منقلب اولمسنندن عبارتدر .

مثلا بر قزغانده بوانسان بر مایع  
قائیدالسه اومايعك حاوی اولديغی  
ماء بخاره و حرارتی ضایع ایلدکده  
تکرار مایه منقلب اولور . و حیوا -  
ناتک انواعی مختلف اولديغی کبی  
دریلرینک مساماتی دخی یکدیگره  
نظراً فرقلی بولنديغندن جمله سی  
مساواة ترلمز . دریلرینک مساماتی  
غایت کوچوک اولان حیوانات  
راحت ترلیه مدکلری جهتمله یورو -  
لدقلمری وقتلرده آغزلینی آچوب،  
دیلمرینی دخی چیقارهرق بخاری  
دفع ایدرلر . و وجودده حاصل او -  
له حق مایعات دیلک اوزرنده پیدا  
اولور؛ ایشته کویپکر دخی بو  
چفسندلر .

\* \* \*

### زلزله

زلزله نك هر بر نوعی مرکز ارضده  
موجود اولان حرارت سیبيله دائما

سندھ کور یلان فقره فیه در:  
السنة ناسده فجته اطلاق  
اولسان آکسزین وفانک منشائی  
وجودک بر ویامعدد آلتک بردنبره  
سکته داراولقلغندن عبارت اولوب،  
- بوده فانک بردنبره مغزک اینجه  
زارینه تصادمندن ظهوره کلیر.

اشبو فجته ۴۵ ایله ۶۰ یاش  
آره سندھ کثیر الوقوعدر.

\* \* \*

علت عما مبتلاینک کثرتی  
خط استوایه قریب اولان محارده  
اولوب، خط مذکور دن نه قدر  
تباعد ایدیلیر سه علت مذکوره  
مصایب دخی اونستنده آزمقده در.

\* \* \*

ابو وخالص اینک سودینک تر-  
کچی بوزده سکسان یدی صو واون  
اوج مواد سائره صلبه دن عبارتدر،  
نورماندیا سودلندن بعضیلری  
بوزده اون آلتی بحق مواد صلبه بی  
حاوی ایسه ده بو درجه سی اندر  
حکمنده در. بوزده اون اوج را-  
ده سندھ اولان مواد مختلفه دن انحق  
دردی ات حاصل ایدیبیدر. شو-  
راسی دخی تفکر اولمشق اقتضا

تحصل ایدن ادخنه وابخره نک  
آلاستیسیتنه نی (استیجیک حالی)  
حد اعظمی سنی تجاوز ایلدکده و  
تعبیر دیگرله ادخنه بی حاوی اولان  
محارر درجه اشباعنی بولدینی وقتلر-  
ده حصوله کلیدی اهل فن عندنده  
مسلمدر.

بخاری حاوی اولان برقاب  
درجه اشباعی تجاوز ایلدکده یعنی  
اول قاب قوتی حاوی اولدینی  
بخسارک آلاستیسیتنه سنه مقابله  
ومتدن قالدینی صورتنده پارچه .  
لندینی دفعاتله کورولدیکنندن واپور  
قرخانلری اوزرنده مخاطره دن سالم  
اولق ایچون امنیت سبانی تعبیر  
اولسور برر موصلق واردر که  
بخارک قوتی تزايد ایلدکده بو مو-  
صلق آچیلوب بخار هوایه چیقار .  
بناء علیه بانار طاعلر دخی برر  
امنیت سبانی حکمنده اولوب، اگر  
برینار طاع قاپانه بحق اولسه جوا-  
رنده خیلی شدید و مخاطره سی عظیم  
ززلله و وقوعه کلیر.

\* \* \*

فجته حقننه پارسک طب غزنه.

ایدر که سودك تركینده اولان  
مواد معدنیه نك دخی وجودجه  
حاصل ابتدیی منفعت پك پیو کدر.  
مواد مذکور میاننده درت فو-  
سفور ترکیبی اولوب ملح  
(فوسفور) و ملح (فوسفور  
مانیر) دن بشقه ملح (فوسفور)  
حدید واردر که وجود حیوانده  
اولان دم کندینه لازم اولان  
تموری بوندن اخذ ایدر. وهله زمان  
صباوتده کی قان خاصه ملح مذکور ایله  
حاصل اولدیغندن نوساله لك حیاته  
سبب محضدر .

عوم آلمانیده مکتب شا کر-  
دانی بیننده ضعف بصره دن شکایت  
اولتور . باخصوص (آلساس)  
و (لورن) ده بو بابه استاتستیکلر  
تنظیم اولمش و ضعف بصرک اوکی  
آلنق اوزره تدایر لازمه اتخاذ  
اولمشدر . بو مقصدك استحصالی  
مکتب اداره سسیله فاملیارک یکد-  
یکرینه معاونتلرینه وابسته اولوب  
(آلساس) و (لورن) غزته سنک  
قولنجه (استرازبورغ) مکتبی

مدیری نشر ابتدیی پروغرامنده  
ولیره چوجققلرک خانه زنده چا-  
لشدقلری صروده صحته لرینه وقوه  
باصره لرینک محافظه سنه دقت  
ایتملرینی توصیه و چوجققلرک یازی  
یازدقلری صروده ضیای تام ایله  
یازوب شفق وغروب زمانلرنده  
یعنی نصف قرا کلقده یازی یازما-  
ملرینی و کوزلرینی کانغدن متناسب  
صورته اوزاق طوعملرینی تنبیه  
وبرده چوجققلره پك اوفق خروقله  
طبع اولمش کتسابلر ویرلاماسنی  
اخطار ایلمشدر .

### لغز - نومر و ۱

اساس ترکیب و صورت تصنیع  
و تشکیلی، حاصلی ماهیت و کیفیتی بر  
ویکدیگرینک عینی اولوب، اصلا  
غیری اولمیان ایکی شی کوردم که  
هرنه زمان بربرلینه متقابل اولسه  
هر ایکسی دخی ارانه امد مدید و  
بربرلینی بعد لاینهای به سوق  
وتبعید اتمکده ونور باصره نی  
عقبگیرلکده عاجز برافقه درلر .